



Na.: Sra. D. Coffie
P.m.d. Grifir
Pasanggrahan
Presente

Bureau Eilandsecretaris

Bo karta fecha: 29 mei 2015
Nos Nr.: 2015 000486
Fecha: 11 AUG 2015
Tópiko: pregunta miembro KI sra.
D. Coffie enkuanto
organisashon di kalamidat
i di krísis

Apresiable Sra. Coffie,

Sin ke drenta den kompetensha di Konseho Insular nos ke referí na Reglamentu di Òrdu di Konseho Insular den kua tin un prosedura di hasimentu di pregunta den artíkulo 45. E artíkulo aki ta preskribí ku kada hasidó di pregunta mester indiká kon e ke e kontestanan i si esaki no ta indiká grifir mester manda e karta bek pa e hasidó di pregunta. Nos a ripara ku grifir no a aktua konforme e reglamentu di òrdu dor di manda e karta bek òf dor di duna mas akklarashon, i ta p'esei Kolegio Ehekutivo (K.E.) a disidí, pa motibu di rèspèt pa K.I., di kontesta e karta por eskrito.

1. **Konforme Lei di Seguridat BES, e sekretario insular ta Kordinadó di desaster (rampencoördinator). Kiko a Koordinadó di desaster a hasi den preparashon pa e temporada di orkan 2015?**

Durante di aña 2014 vários ehersisio i entrenamentu a wòrdu duna riba e nivel di maneho i riba nivel operashonal na e Tim di Maneho Insular (EBT) i e tim operashonal asina yama Commando Plaats Incident (COPI) Esaki nan ta e timnan di mas esensial. Tambe a duna entrenamentu na vários otronan ku ta forma parti di e organisashon di kalamidat. Por mensioná entre otro na e kolumna oranje ("bevolkingszorg" ku ta kai bou di Gobièrnu). Un total di 138 persona a wòrdu entrená durante di 2014 di vários ángulo. Entrenamentu a wòrdu duna tambe na e tim ku ta enkargá ku komunikashon di desaster i tambe na Gezaghèber ku durante di un periodo di desaster ta hunga ròlnan masha esensial. Ounke ku nunca bo por ta kompletamente kla pa ningun kalamidat a duna entrenamentu di tal índole ku EBT i COPI i tur otro kolumna lo por atendé ku kalamidatnan ku ta presentá.

2. **Ta eksistí un organisashon manera un tim di maneho insular (Eilandelijke Beleidsteam, EBT) ku ta konsistí di kolumnanan kòrá, blanku, blou, oraño. Ki dia e último reunion stratégiko di e tim di maneho insular a tuma lugá? Kon e struktura di e reunionnan aki ta?**

Correspondentieadres

Kaya Grandi 51 | Kralendijk, Bonaire C.N.
Tel. (+599) 717-5330 | Fax. (+599) 717-8416
www.bonairegov.com



Den 2014 i te ainda den 2015 no tabata tin ningun kalamidat den kua lo mester a aktivá EBT. EBT no ta un órgano desisivo ku ta traha riba base diario. E ta un tim ku ta wòrdu aktivá ora ku tin un kalamidat o krísis i asina mes ta ora ku ta nesesario pa yega na nivel 2 di kordinashon EBT ta wòrdu aktivá. A práktika hopi den 2014 atraves di e struktura yama B.O.B (“beeldvormend, oordeelvormend en besluitvormend”) ku ta un struktura pa atendé riba nivel di maneho.

3. **Entretantu a akordá e plannan di desaster. Esaki ta konta tambe pa e plan di entrenamentu multidisiplinario .Kiko e koordinadó di desaster a hasi pa ehekushon di e plannan aki? Kua entrenamentunan a tuma lugá e último 6 lunanan i kon a evaluá esakinan? Tambe a akordá e plannan di maneho. Kon ta apliká esakinan den práktika?**

E trahamentu di plannan rondó di kalamidat i krísis a wòrdu akordá dor di Kolegio Ehekutivo for di aña 2012. Ta trata aki di profil di riesgo, plan di maneho, organisashon di kalamidat i di krísis i tambe un plan di edukashon. E plannan aki a wòrdu di entrená i tambe inspekshoná riba vários aspekto dor di entre otro Inspekshon di Ministerio di Seguridat i Hustisia. Ta e intenshon pa durante e di dos mitar di 2015 durante di e simannan di entrenamentu pa duna atenshon na evaluashon i adaptashon di e plannan si resultá ku esaki ta nesesario.

4. **Ministerio di Siguridat i Hustisia (V&J) ta pone plakanan disponibel pa preparashon pa kalamidat, e asina yama Fase Friu (Koude fase). Ken ta manehá e plaka aki i kon ta usa e plaka? Ken ta determiná kon ta usa e plaka? Kon responsabilisashon di e plaka ta tuma lugá?**

Ta Kolegio Ehekutivo ta disidí riba uso di e plakanan aki i Kordinador di Desaster tin mandato te ku e suma di \$50.000,- Den 2014 tur entrenamentu ku a tuma lugá a wòrdu akordá dor di Kolegio Ehekutivo. Pa e siguiente mitar di 2015 lo duna entrenamentu ku ta kuadra ku nesesidatnan partikular i spesífiko di kada nivel. Ta responsabilisá e plakanan aki na Ministerio di Seguridat i Hustisia.

- 5 **E periodo ku a transkurí na dos okashon no tabatin outoridat kompetente na Boneiru por si akaso un kalamidat a sosodé. Tantu gezaghebber komo gezaghebber interino tabata pafó di e isla. Ken ta outorisá pa tuma desishon den kaso di un kalamidat si tantu gezaghebber komo gezaghebber interino ta pafó di e isla? For di unda esaki ta resaltá? Segun e memoria di akklarashon (Memorie van Toelichting, MvT) di e Lei di Siguridat BES e tarea aki ta solamente asigná na e gezaghebber (òf su remplasante na momentu di su ousensia)**

K.E. den su totalidat a tuma prekoushon durante di su ousensia i ta sali for di e punto di bista ku ta Ministerio di BZK, ku ta esun ku a invitá tur K.I., K.E., grifirnan i Sekretarionan di tur tres entidat públiko



pa bini huntu den kuadro di formashon i edukashon, ta di akuerdo i ku lo mester por topa otro na sierto momento i pa tempu kòrtiku. Meskos ta konta ku e bishita na Hulanda pa tei den e siman di Karibe Hulandes. A tuma vários prekoushon entre otro a palabra ku Ministerio di Defensa atraves di Marina pa manda buska e Gezaghèber si algu pasa. Pa e Sekretario di Entidat Públiko den su ròl komo miembro di EBT semper e por wòrdu remplasá dor di su remplasante.

6 E ròl di e sekretario insular ta kompatibel ku esun di koordinadó di desaster? Ken ta remplasante di e koordinadó di desaster? Unda esaki ta regla?

Si, e funkshonnan aki ta kompatibel i por kombiná nan. Remplasante di Sekretario di Entidat Públiko ta remplasá e funkshon di Kordinadó di Desaster. Ta artíkulo 48 di Lei di Seguridat BES ta indiká ku ta Sekretario di Entidat Públiko tin e funkshon aki.

7 Kiko ta e status di e Ofisina di Desaster? Ken mester koordiná esaki?

E nesesisdat ta pa nombra un asistente Kordinadó di Desaster ku por atendé tambe otro asuntunan di seguridat. E asistente aki lo bai kai bou di Kordinadó di Desaster. Esaki ta den fase di preparashon.

8 Kon e kooperashon ku e diferente kolumnanan ta kana den e EBTT? Tur hende sa kiko nan por ferwagt di otro? Kon esaki ta resaltà si nota trein Òf nota trein ku regularidat?

Tur kolumna den EBT ta entrená ku regularidat. Durante di 2014 a invertí den trahamentu ku otro riba vários nivel i den e di dos mitar di 2015 lo sigui atrobe ku mas entrenamentu. Resientemente, den e promé siman di yùli e Gezaghèber interino, Sekretario di Entidat Públiko, Kapitan di haf i hefe di e servisio di Komunikashon a kaba di sali di St. Maarten na unda Ministerio di Rijkswaterstaat a duna un training riba tereno marítimo. Tambe a duna atenshon spesial na e parti operashonal riba tereno di derame di zeta den nos lamannan. Mester indiká ku tin vários evaluashon ku a mustra ku tin un bon kresementu riba funshonamentu di EBT. Esaki ta demostrá ku e kolumnanan ta traha bon ku otro.

9 Ki papel gezaghebber ta hunga den e fase friu? Kon importante gezaghebber ta konsiderá su tarea, si e nota sòru pa remplaso na momentu ku e ta pafó di e isla?

Gezaghèber ta enkargá ku Órden Públiko i di Seguridat. E ta tuma su trabou na serio, e tei na tur entrenamentu i e ta habri pa konseho komo ku esaki ta parti di su ròl komo ku e mester respetá spesialisimo di kada kolumna den EBT. Na final ta e ta disidí i ta keda responsabel pa su desishonnan.

10 Gezaghebber ta sufisientemente ekipá pa aktua durante e asina yama tempunan kayente? Kon esaki ta manifestá su mes?



Gezaghebber a haña vários entrenamentu na Boneiru i na Hulanda i e ta kapas pa tuma su ròl komo presidente di EBT. E ta habri pa konseho i ta kapasita pa tuma desishon.

11 Dikon no tabatin preparashon di parti di e koordinad6 di desaster na komienso di e temporada di orkan?

Kada kolumna a haña nan preparashon durante di e diferente entrenamentunan i sa kiko nan mester hasi. Konforme e profil di riesgo traha na 2012 chènsnan di orkan a sali mas abou ku otro kalamidatnan loke ku no ta nifiká ku no mester entrená. A skohe pa invertí den ròl di kada miembro di EBT i COPI pero tambe den ròl di e otro kolumnanan pa asina nan por aktua ora ku kalke kalamidat presentá.


12 Kiko ta e papel di e Representante di Reino pa loke ta trata kalamidatnan? Ki ròl e Representante di Reina tin den e EBT? A akordá e plan parsial di desaster di e Representante di Reino?

E representante di Reino tin su plan di Kordinashon ku a wòrdu akordá durante di siman di Karibe Hulandes na 2014. E Representante di Reino ta hunga un ròl riba diferente nivel i den diferente fase: Den fase friu e ta wak kon trainingnan i formashon di plan ta bai riba e diferente islanan BES, den fase kayente e ta atendé ku pidimentu di ayudo na Hulanda i ta sòru pa kordiná ku ministerionan na Hulanda, ora ku ta trata di kordinashon riba nivel 3 e por duna gezaghèber instrukshonnan spesífiko.

13 Gezaghebber den su komunikado di prensa relashoná ku su ousensia a duna di konosé ku el a duna e direktornan mandato pa loke ta trata un kantidat di tareanan? Tin desishonnan di mandato basá riba kombatimentu di desaster? Unda esaki ta regla?

Riba tereno di kombatimentu di desaster kada kolumna por regla su mandato i su remplasante ku por aktua. Esaki ta inkorporá den e struktura di EBT i di COPI pero tambe di tur e otro kolumnanan.

Nos ta keda atentamente,

Kolegio Ehekutivo di Entidat Públiko di Boneiru,
gezaghèber, 

sekretario, 